

9  
FACTVM POVR DOMP FRAN.

çois Seinard,

Contre Jean Perrier.

**L**E Conseil entendra s'il luy plaist que puis 20. ans le sieur de Rochebône auroit tiré à soy par vsurpation le Prieuré de S. Martin de Salles, & annexé (ou quoy que soit le reuenu d'iceluy) à sa maison de Chambois, proche dudit Prieuré, en uiron d'une lieue.

Iceluy fait porter premièrement, à vn nommé Pierre Pibost son recepueur, iusques en l'an 1578 que voyant ledit Pibost sur l'aage & caduc, il luy fait passer procuration *ad resignandum*, au profit de Jean Perrier son sommelier, auquel il fait prèdre qualité de religieux de S. Chaffre, quoy que ledit Perrier feust homme lay, & du tout ignare & illiteré: laditte procuration receue Gerfault complice dudit Rochebône au procez criminel encore indécis en la court de Parlement.

L'année ensuiuant 1579. & le 10. Ianuier sur la procuration & cōsentement dudit Pibost, obtient vne simple signature en court de Romme, par laquelle ledit Perrier est pourueu dudit Prieuré de Salles, en qualité de Prieuré non conuentuel de l'ordre de Cluny.


Laditte signature obtenue, il se gar de bien d'enuoyer ledit Perrier à son Euesque pour le *forma dignum* (comme il est porté par toutes signatures) moins l'enuoye il en personne prendre possession dudit Prieuré, afin de ne manifester à vn chacun son insuffisance: ains y commet vn nommé Marion prestre, de Theyze, son subiect, qui prend laditte possession au nom dudit Perrier le 11. May audit an.

Et pour tenir tousiours l'affaire en suspèd & couuert, il refuit du tout l'insinuatiō & publicatiō de laditte prinse de possession, & ce à deux fins, l'vne pour obuier à ce, que si laditte prinse de possession eust esté descouuerte sous simple signature contenant obreption sur la faulce denegation de conuentualité affectee audit benefice: le Pape n'eust pourueu *per incapacitatem* dudit Perrier.

L'autre craignant que laditte publication & insinuation recongneue, ledit benefice eust peu vaquer par la mort dudit Perrier, lequel autrement laditte mort aduenant il eust peu garentir par la suruiuāce de Pibost son resignant en retenant vers soy laditte prinse de possession & autres actes susdits, ains auoit fait faire à seldits subiects & complices à ces fins.

Conformement ausquels en l'an 1580. vn nommé la Chaulmette ser-

A





uiteur dudit Rochebonne, passe ferme dudit Prieuré, au nom dudit Perrier, à maître Claude Mabiez, receue Guillard officier dudit Rochebonne en sa terre Dioing.

L'année ensuyuante 1581. & le 6. May ledit Rochebonne sans faire mention de la ferme precedente passée par ledit la Chaumette au nom dudit Perrier pour quatre années : il passe autre nouvelle ferme à un nommé Gonnard au nom dudit Pibost son resignant, de certain membre dependant dudit Prieuré pour six ans.

En consequence de l'une & l'autre ferme, & sous tiltre de deux diuers Prieurs, sçauoir Pibost resignant & Perrier resignataire, ledit Rochebonne iouist du receu, passe quittance de main priuée, comme aussi fait sa femme, produites par deuant messieurs les Commissaires, par Mabiez le 29. Nouembre 1582.

En ses entrefaites le 20. d'Aoust 1582. Pibost resignant vient à mourir.

Lors ledit Rochebonne s'aduise de se seruir dudit Perrier resignataire susdit, & pour cest effait a recours promptement à faire ratifier la prise de possession faite par ledit Marion à son nom, deux iours apres la dite mort, laquelle mort ce pendant il fait tenir secrette huit ou dix iours.

En fin laditte mort entendue par frere Claude Monceaux, il se fait pourueoir dudit benefice par Monsieur de Cluny, des le 5. Septembre suyuant, comme vacant par la mort dudit Pibost resignant.

D'ailleurs domp François Seinard, religieux profez dudit ordre de Cluny se fait pourueoir en court de Rome du mesme benefice *per mortem Petri Pibost aut quocunque modo vacet*, comme plus à plain est contenu par sa bulle.

*Questio inde orta*, des le mois d'Octobre 1582. par deuant messieurs les Commissaires deleguez par sa maiesté pour la visite des Prouinces, du Lyonnois, Dauphiné & Prouence, entre lesdits Perrier pretendu resignataire, & ledit de Montceaux, en laquelle apres auoir ouy par sa bouche ledit Perrier, & reconnu incapable en fait & en droit, il est deboutté, & ledit Prieuré adiugé audit de Montceaux, avec deffences audit Perrier, au sieur de Rochebonne, & tous autres de ne troubler ledit de Montceaux en la iouissance d'iceluy, & pour le regard de l'interuention dudit Seynard deuolutaire, les parties sont renuoyees au Cōseil priué du Roy, & neantmoins ordonné que les tiltres de capacité dudit Perrier & notamment sa lettre de tonsure seroient retenues au Greffe.

Audit conseil priué ledit Seynard presente sa requeste, pour faire réuoyer le tout au grād Conseil, ce qui est ordonné & l'instance tellemēt poursuyuie que par arrest dudit Cōseil donné au rapport de Monsieur Tonnelier le 24. Apuril dernier, ledit de Montceaux est deboutté, & les voix tumbees en partage pour les droits desdits Perrier & Seynard, & remis au iugement de nosseigneurs du quartier d'Esté.



Ausquels ledit Seynard remonstre & supplie treshumblemēt remuer que ledit Perrier n'estoit receuable à desdure de nouueau ses moyens audit procez, & renuoy comme estant deboutté par laditte sentence desdits sieurs Commissaires de laquelle il n'y auroit eu aucun appel, & que si bien ledit Seynard a obtins ledit Prieuré de Salles de sa saincteté, il l'a peu & deu faire par les voyes de droit, qui fauorisent en tout & par tout son entreprinse.

Les parties sont d'accord par le discours du procez, & ne le peuuent denier, que le Prieuré de Salles est conuentuel de l'ordre de Cluny.

Que les Priuileges de Cluny sont esté extraits du thresor, à la requeste dudit Montceaux, & produits en sa production, confirmez par les Papes & Rois de France, par lesquels les Prieurez conuentuels de l'ordre de Cluny ne peuuent estre conferez à autres religieux que à ceux dudit ordie, si par expres en la clause *ordinis S. Benedicti siue Atanatisis, siue*

ne sont encores adioustez ces deux mots, *etiam Cluniacensis* lesquels presupposent vne dispense de sa saincteté.

Et en toutes lesdittes particularitez, lesquelles neantmoins sont de l'essence de la bulle, ledit Seynard n'est aucunement defectueux, ayant exposé à sa saincteté la verité de la chose, qui est que ledit Prieuré est conuentuel, & de l'ordre de Cluny duquel mesmes il est religieux profez, cōme seiustifie par ses lettres d'acolyte, prestrie, & profession, produites au procez, & consequemment deuëment pourueu dudit Prieuré.

Vacant, soit par la mort dudit Pibost ou par l'incapacité de Jean Perrier son pretendu resignataire, laquelle comme sus est dit, consiste en ce.

Qu'il a vlt de subreption en sa prouision, ayant exposé ledit Prieuré non conuentuel, lequel neantmoins est conuentuel.

Qu'il n'est de l'ordre de Cluny requis pour la capacité d'un Prieur conuentuel dudit ordre ny dispencé par sa saincteté.

Que notoirement il est Simoniacle, accōmodant vn tiers de son nom pour rair le bien de l'Eglise, ayant le sieur de Rochebonne iouy par les quittances susnommees, produites par deuant messieurs les Commissaires deputez par sa maiesté des le mois de Nouembre 1582. sans que ledit Perrier aye iamais sceu iustifier de quittances receues par Notaire, ains seulement, d'une qui a esté produite de main priuee, pour cuider inferer & donner couleur à ses lettres *de pacif. possess.* lesquelles par ce moyen sont declarees frustratoires.

Qu'il n'a fait son *forma dignum*, ny rapporté son *visa*, auant que prendre possession, qui estoit vn preallable, & qui donnoit effait à laditte possession.

N'a fait insinuer ny publier saditte prinse de possession, comme tous resignataires y sont abstraincts par l'ordonnance du Roy Henri premier.



4. En fin, le 14. d'April dernier, elle auroit esté remise au Greffe seulement le 24. dudit mois, que tous les actes de la pretendue possession dudit Perrier sont receuz par des officiers, complices & subiects dudit Rochebonne, comme aussi sont les tesmoings y denommez.

Qui sont toutes incapacitez fort considerables, & telles que ledit Perrier mesmes ne les a peu denier: mais a ingenuement aduouez par vne bulle qu'il a puis nagueres exhibé au conseil, pour sous le tiltre de *per in re vallere*, qu'il luy a voulu attribuer, cuyder effacer toutes les susdictes incapacitez ou plustost impietez.

Par laquelle bulle, outre que le conseil sera deuement centiore, des sinistres & pernitiex moyens, que ledit Perrier a tousiours apporté en ceste poursuite, ledit Seynard prend droit en ceste seule clause. *Dummodo tempore illarum presentium alieni non sit specialiter in questum*. Ce que estant aduenu: en la personne des l'an 1582. qu'il obtint sa bulle, ne reste consequemment audit Perrier, aucun droit audit Prieuré par la sienne, de l'an 1585.



*Je t'ay donc luy  
remise  
le 14. d'April  
dernier*